



REPUBLIKA E SHQIPËRISË

ALBANIAN INSTITUTE
of SCIENCE



Kontrollori i Lartë i Shtetit

Instituti Shqiptar i Shkencave

Nr. 531 Prot.

MARRËVESHJE BASHKËPUNIMI

për

"RRITJEN E TRANSPARENCËS DHE LUFTËN KUNDËR KORRUPSIONIT"

NISUR NGA:

Interesi dhe dëshira e mirë e të dy institucioneve për të bashkëpunuar në rritjen e transparencës me qellim luftën kundër korruptionit.

ME SYNIM:

Rritjen dhe forcimin e bashkëpunimit ndërmjet Kontrollit të Lartë të Shtetit dhe organizatave, individëve dhe grupeve të organizuara të shoqërisë civile që synojnë paraqitjen e analizave dhe dhënen e rekomandimeve që çojnë në zbatimin më të mirë të ligjeve dhe ndikimin e tyre në publik.

DUKE RIAFIRMUAR

Vendosmérinë për respektimin rigoroz të Kushtetutës, Ligjit integral të Kontrollit të Lartë të Shtetit dhe të vullnetit dhe seriozitetit të organizatave të shoqërisë civile palë në këtë Marrëveshje, si dhe besimin se një bashkëpunim i sinqertë struktura publike-shoqëri civile jep rezultate konkrete në kufizimin dhe parandalimin e korruptionit;

NË MBËSHTETJE TË:

Ligjet nr. 8270, datë 23.12.1997 "Për Kontrollin e Lartë të Shtetit" i ndryshuar, që përcakton Kontrollin e Lartë të Shtetit, si institucioni më i lartë i kontrollit ekonomik e financiar në Republikën e Shqipërisë, dhe që ka si objektiv kryesor kontrollin e përdorimit efektiv dhe të dobishëm të fondeve publike, mirë administrimin financiar dhe zbatimin e ligjshmërisë në fushën ekonomike financiare, si dhe informimin e autoriteteve publike dhe publikut për rezultatet e punës së tij;

Ligjet Nr.8788, datë 07.05.2001 "Për Organizatat Jofitimprurese", që rregullon aktivitetin e organizatave të shoqërisë civile;

Kontrollori i Lartë i Shtetit (KLSH), i cili është autoritet kompetent për qëllimin e Marrëveshjes së Bashkëpunimit, përfaqësuar nga **Kryetari z. Bujar Leskaj**, që këtu e më poshtë do t'i referohemi si palë,

dhe

Instituti Shqiptar i Shkencave (ISHSH) që realizon projektin Open Data Albania, i cili është autoritet kompetent për qëllimin e Marrëveshjes së Bashkëpunimit, përfaqësuar nga Kryetari, zj. Aranita Brahaj, që këtu e më poshtë do t'i referohemi si palë,

bien dakord mbi Marrëveshjen e Bashkëpunimit si më poshtë:

NENI 1 OBJEKTI

1.1 Kjo marrëveshje do të lehtësojë bashkëpunimin dhe bashkërendimin e aktiviteteve të palëve dhe do të thjeshtësojë komunikimin dhe shkëmbimin e të dhënave që lidhen me fushat me interes të përbashkët.

1.2 Bashkëpuni i përmendur në paragrin 1 do të zbatohet mbi baza të njëjtë dhe mbi parimin e reciprocitetit.

NENI 2 KONTRIBUTI I KONTROLLIT TË LARTË TË SHTETIT

2.1 KLSH merr përsipër të angazhojë staf për aktivitete të ndryshme me **Institutin Shqiptar të Shkencave**, të tillë si takime konsultative, tryesa të rrumbullakëta, workshop-e, seminare etj, aktivitete këto që synojnë rritjen e cilësisë së punës së statit të KLSH dhe pjesëmarrjen e **ISHSH** nëpërmjet ekspertizës së kualifikuar sipas një plani pune të përcaktuar, të firmosur nga të dy titullarët nënshkrues të marrëveshjes.

2.2. KLSH merr përsipër të angazhojë staf dhe në bashkëpuni me **ISHSH**, të realizojë aktivitete të përbashkëta për shkëmbimin e informacionit me interes reciprok dhe rritjen e transparencës.

2.3 Kontrolli i Lartë i Shtetit merr përsipër të ftojë **ISHSH**, në të gjitha analizat e tij të punës dhe në aktivitete publike me strukturat e tjera shtetërore dhe të shoqërisë civile, t'i dërgojë në mënyrë periodike informacion statistikor të punës së tij, si dhe të organizojë aktivitete të përbashkëta (tryesa pune, seminare, konferanca, etj.) me **ISHSH** përsensibilizimin e opinionit publik në thellimin e luftës kundër korruptionit dhe në parandalimin e tij.

NENI 3 KONTRIBUTI I INSTITUTIT SHQIPTAR TË SHKENCAVE

- 3.1** ISHSH merr përsipër që të kontribuojë me ekspertizën e stafit të tij, sipas kushteve të planit të punës të përcaktuar dhe të firmosur nga të dy titullarët e institucioneve, për realizimin e konsultave të herëpashershme me stafin e KLSH, tryezave të rrumbullakëta, seminarëve, workshop-eve, etj, si dhe të publikojë në formatin e saj informacione dhe statistika me interes nga të dyja palët.
- 3.3** ISHSH merr përsipër të ndjekë dhe marrë pjesë në aktivitetet publike të Kontrollit të Lartë të Shtetit për thellimin e luftës kundër korrupzionit dhe rritjen e transparencës.

NENI 4 KONTRIBUJTET TË PËRBASHKËTA

- 4.2** Kontrolli i Lartë i Shtetit dhe ISHSH marrin përsipër të bashkëpunojnë për organizimin e aktiviteteve të përbashkëta të lartë-përmendura, për të ofruar dhe shkëmbyer informacione me rëndësi për palët.

NENI 5 KOORDINIMI NDËRMJET PALËVE

- 5.1** Palët për zbatimin e kësaj marrëveshje caktojnë nga një person kontakti për secilin institucion.
- 5.2** Personat e kontaktit do të mbajnë takime ndërmjet tyre në vazhdimësi, në varësi të nevojës për shkëmbim informacioni. Objekti i shkëmbimit të informacionit ndërmjet tyre do të jetë sipas Nenit 1 të kësaj marrëveshje.
- 5.3** Personat e kontaktit do të informojnë në vazhdimësi drejtuesit e të dy institucioneve në lidhje me zbatimin e kësaj marrëveshje.

NENI 6 ADMINISTRIMI I INFORMACIONIT

- 6.1** Informacioni i shkëmbyer mes Palëve administrohet sipas rregullave të parashikuara në Ligjin Nr. 8270, datë 23.12.1997 "Për Kontrollin e Lartë të Shtetit" i ndryshuar, në Ligjin Nr. 8788, datë 07.05.2001 "Për Organizatat Jo fitimprurëse", në Ligjin Nr. 8503, datë 30.6.1999 "Për të drejtën e informimit për dokumentet zyrtare" dhe Ligjin Nr. 8517, datë 22.07.1999 "Për mbrojtjen e të dhënave personale".

NENI 7 DISPOZITAT E FUNDIT

- 7.1 Kjo Marrëveshje do të hyjë në fuqi në datën e nënshkrimit nga palët dhe do të mbetet në fuqi për një periudhë të pacaktuar.
- 7.2 Amendament mund të bëhen me marrëveshje nga Palët nëpërmjet shkëmbimit të komunikimit me shkrim, duke saktësuar datën e hyrjes në fuqi.
- 7.3 Përveç parashikimit të paragrafit 1 të këtij neni, kjo Marrëveshje mund të përfundojë në çdo kohë nga secila palë, duke njoftuar paraprakisht me shkrim, palën tjetër.
- 7.4 Marrëveshja hartohet në gjuhën shqipe, përgatitet dhe nënshkruhet në 2 (dy) kopje origjinale, një prej të cilave depozitohet në Kontrollin e Lartë të Shtetit dhe një në Institutin Shqiptar të Shkencave.

Kjo Marrëveshje Bashkëpunimi u nënshkrua sot, më datë 19/05/2014.

PËR
KONTROLLIN E LARTË TË SHTETIT **PËR**
INSTITUTIN SHQIPTAR TË SHKENCAVE



**KRYETARI
ARANITA BRAHAJ**

Anne Bolet

Bolet

